



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 33/2

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«22» Օգոստոսի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Քանաքեռ-Զեյթուն վարչական շրջանի ղեկավարի աշխատակազմի աշխատակից Լ. Մազմանյանի կողմից 01.08.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 43.1-րդ հոդվածի 3-րդ մասի 9-րդ կետով նախատեսված վարչական իրավախախտում, մասնավորապես՝ քաղաքացի Գոռ Գազիկի Գրիգորյանի կողմից Երևան քաղաքի Սարկավազի փողոցի հ. 123/3 շենքի հարակից տարածքում՝ չսահմանված և չնախատեսված տեղում թափվել է մեկից ավելի խարանարդ մետր ծավալով շինարարական աղբ, որի վերաբերյալ 01.08.2023 թվականին կազմվել է թիվ Ա-002763 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 01.08.2023 թվականին գործի քննությանը ներկայացավ և մասնակցեց քաղաքացի Գոռ Գազիկի Գրիգորյանը (AS0358557 տրված 04.09.2018 թվականին 004-կողմից): Վերջինս վարչական մարմնին բացատրություն տվեց այն մասին, որ ընդունում է իրավախախտումը: Արձանագրությունը ստորագրվել է իր կողմից: Արձանագրությանը կից լուսանկարը վերաբերելի է գործին: Իր նկատմամբ առաջին անգամ է քննվում վարչական պատասխանատվության ենթարկելու հարց:

Քաղաքացի Գոռ Գազիկի Գրիգորյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, քաղաքացի Գոռ Գազիկի Գրիգորյանի կողմից տրված բացատրությունները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 01.08.2023 թվականին քաղաքացի Գոռ Գազիկի Գրիգորյանի կողմից Երևան քաղաքի Սարկավազի փողոցի հ. 123/3 շենքի հարակից տարածքում՝ չսահմանված և չնախատեսված տեղում թափվել է մեկից ավելի խորանարդ

մետր ծավալով շինարարական աղբ: Քաղաքացի Գոռ Գագիկի Գրիգորյանի կողմից թույլ է տրվել Օրենսգրքի 43.1-րդ հոդվածի 3-րդ մասի 9-րդ կետով նախատեսված վարչական իրավախախտում:

Հաշվի առնելով քաղաքացի Գոռ Գագիկի Գրիգորյանի կողմից տրված բացատրությունները և այն, որ քաղաքացի Գոռ Գագիկի Գրիգորյանի կողմից առաջին անգամ է թույլ տրվել Օրենսգրքի 43.1-րդ հոդվածի 3-րդ մասի 9-րդ կետով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 43.1-րդ հոդվածի 3-րդ մասի 9-րդ կետի համաձայն՝ մեկից ավելի խորանարդ մետր ծավալով շինարարական աղբ թափելը՝ առաջացնում է տուգանք ֆիզիկական անձի նկատմամբ՝ նվազագույն աշխատավարձի հիսնապատիկից ութսունապատիկի չափով, իսկ իրավաբանական անձի նկատմամբ՝ երկուհարյուրապատիկից երեքհարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 43.1-րդ հոդվածի 3-րդ մասի 9-րդ կետով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Մ որոշմամբ՝

ՈՐՈՇԵՑԻ

1. Քաղաքացի Գոռ Գագիկի Գրիգորյանին Օրենսգրքի 43.1-րդ հոդվածի 3-րդ մասի 9-րդ կետով ենթարկել վարչական պատասխանատվության՝ նշանակելով վարչական տույժ 50.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035500082 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՍ ՄԱՐՏԻՐՈՍՅԱՆ